

學詩初稿

絕句

金華王同祖與之

京城元夕

己下係丙申作

鼓吹喧喧月色新  
天街燈火夜通晨  
玉皇不賜傳柑宴  
散與千門萬戶春

湖上

長安三月又三日  
繡轂絨鞍富貴家  
笙鼓喧天蘭櫂穩  
賣花聲裡夕陽斜

學詩初稿

一





偶出城來日未西  
百花叢底草萋萋  
遊人過盡歸來晚  
行遍蘓公十里堤

送客

千金難買是心知  
誰遣相親又語違  
楊柳若知行客恨  
不教飛絮撲春衣

太乙宮即事

金殿重重畫不開  
盤松蒼柏兩行栽  
角門東畔瞻宸几  
仙仗曾迎翠輦來

綠陰密處著危亭  
佳氣葱葱王武林  
一片紅塵飛不入  
杜鵑啼處白雲深

山後有亭  
乃武林山

夜步內門

靜夜孤燈人未眠  
等閒行過內門前  
一聲唱徹連珠喏

皇城夜間  
唱連珠喏

碧月朱闌綠柳邊

時事感懷

壯心如鐵氣填膺  
萬里中原尚虜塵  
一枕西風兩行淚  
封疆誰是死綏人

羽書昨夜下長安  
胡騎駸駸犯蜀關  
愁殺閨中年少婦  
朝朝空望戍夫還

襄州蹀血荊州亂千里金湯狐兔憑未定

樊城關羽死漢民何日見中興

蜀又交侵淮又危江湖風浪沸潢池時江右有

寇連朝雲氣濃于墨想是英雄血戰時

晚秋

世變無窮客恨長闌干倚遍怕斜陽籬籬

黃菊無心看付與遊蜂自在忙籬一作籬

明堂觀禮雜咏十三首

尚書省觀泣誓

中辛眠吉建齋壇宰相前期誓百官尊祖

敬宗天子孝儀文莫作等閒看

端門觀習肆赦儀

百官常服拱端門丹鳳啣書下九閣宰相

近前宣授了齊班舞蹈謝君恩

兩邊黃幕護朱簷中貴當頭候捲簾扶起

金雞爭搶取要教天表庶民瞻

車駕宿太廟

金甲重矛兩內臣堦前對立氣英英巡更



場內知誰問聽得傳呼宰相名

車駕回太廟

瑞靄祥雲傍晚開九重法駕大宮迴一聲  
靜蹕千官肅衛士傳呼御座來

天街夜步

風不停雲月更清千門繡幕笑歌聲御營  
巡檢無拘束走馬天街夜達明

內前

青帷朱簾柳陰旁玉磬金鐘列兩行輦路  
旋添泥細細雞竿揭起瑞雲黃

和寧門觀駕

星斗中天夜向晨寸雲不點月華明六飛  
過盡燈如畫宮漏遲遲報五更

肆赦

九重夙夜畏天威何事晴明一夕非不敢  
明堂大朝賀盡拋坊樂獨行歸

樂迎

上以天變  
免朝賀及

觀景靈宮恭謝

聖皇宗祀懷多福  
恭謝回來看帶花  
祝啟笙鏞齊合奏  
舉朝更見日光華

膳羞進徹靜無譁  
宰執齋宮坐賜茶  
不比

常朝添覆奏  
常朝除目覆奏而報來除目

十餘家

### 回龍橋望駕

回龍橋上望龍顏  
毅采殷殷仰視難  
須信吾皇自神武  
何憂中國不尊安

兩行衛士錦宮袍  
萬歲聲長徹九臯  
過盡羽毛風細細  
彩雲不動御爐高

### 晚秋登樓

獨上危樓望落暉  
昏鴉歸處遠煙微  
湖光洗得秋容淨  
爭奈江南雁又飛

讀罷黃庭倦倚樓  
亂雲挾雨過湖頭  
年來無復登臨思  
悶撚黃花送暮秋

### 觀雨

蕭蕭疎雨逐斜風  
三兩歸鴉暮靄中  
看到菊花無可看  
一年秋事又成空



送劉方石歸盱江

歲云暮矣始成行  
珍重劉公半月程  
四海干戈風物改  
亂離時節別離情  
昨日新聞未忍聽  
憂時贏得鬢毛星  
歸休高卧西江上  
祇恐川原草木腥

與月船周君話別

明日須知子遂行  
一燈對話過三更  
離魂已逐歌聲斷  
清夢空隨夜雨生  
鴨爐烟冷夜窓寒  
着盡冬衣尚怯單  
忽憶故人千里別  
雁賈芳恨度扶闌

霜風

一夜霜風動地寒  
塞垣火未報平安  
嫦娥亦帶傷心色  
爲照征人尚抱鞍

夜坐

獨對寒燈客夢孤  
數聲征雁下平蕪  
古今多少難言事  
笑指梅花解語無  
坐到中宵未忍眠  
祇今身世兩茫然  
悲歡轉眼俱陳迹  
休對寒燈說舊年

寒夜

匝地陰風黯淡天，怯寒時候只宜眠。  
羶裘羔酒非吾事，自碾新茶和雪煎。  
風收雲捲月當天，獨立中庭思悄然。  
市井不知邊塞事，嗚嗚鼓角樂新年。

寄詩人

憶君夜夜看燈花，暗數歸期未到家。  
兒女團圍生計足，還知邊塞走胡沙。

恰回午枕自華胥，忽得周郎一紙書。  
江上春風能幾日，莫教門外柳蕭疎。  
周留詩爲別有歸去

門前栽柳樹逢春  
先綠向陽枝之句

觀錫宴宣勸

中使傳宣內裡來，輔臣拜飲九霞杯。  
君王萬歲三邊靜，壽域先從塞北開。

湖上早行

錢塘門外買湖船，霧氣衝雲水接天。  
只有蘇堤金線柳，半籠早日半籠烟。

陰夕



恰則晴明天又陰霜風如劍二毛侵淮城  
夜雪深多少不見擒吳奏捷音

歲晚即事

矻矻窮年漫逐名不知七日換新正困人  
天氣濃于酒賴有梅花喚眼醒

元日

已下係  
丁酉作

一夜東風換斗杓千門曉色雪初消君王  
已奏平淮雅猶自謙冲免會朝時以邊事  
免大會朝  
雲集衣冠拜紫宸榻前除日報來真君恩  
先到宮門柳占得人間第一春

觀宰相早朝

五更三點內門開街路傳呼宰相來天子  
未明思政理退朝常自過辰牌用唐人進  
退格

春社

廉纖霧雨四山昏寂寂茅簷半掩門客裡  
不知今日社偶過野廟見分幡

雨意

春愁如織雨如麻倦倚吟窓拾落花坐不



忍眠心似醉悠悠身世在天涯  
曠曠重陰晝不分歸鴉林裡認黃昏人間  
春信知多少但覺輕寒入夢魂

內前

兩桁垂楊護九重翠眉羞盡舊隋宮柔條  
似怕君恩重低拂珠闌舞晚風  
麗正門開曉色鮮萬絲綠柳御溝邊禁中  
恐有題紅怨不放消流出內前

小立

小立危樓望眼遙晚烟淡處見湖橋梅花  
落盡寒猶力留得東風候柳條

湖上

湖頭春水千丈碧湖堤嫋柳不盈尺唱歌  
女兒擢船回驚起沙鷗對對立

廟山道中

蕭蕭疎雨點孤篷舟子招呼語順風小麥  
青青春恰半一犁江上看田翁

春日雜興

迢迢清夜靜無譁月色千門噪亂鴉

吳山月明

則群鴉噪

坐久忽驚寒力重不知殘雪在梅花

粉墻紅杏半離披春滿人間花自知幽鳥

不言如有思等閒飛上海棠枝

輕寒漠漠雨霏霏春院人閒半掩扉風力

不知多幾許出門只見杏花飛

百花時節燕鶯忙晝日如年懶課香午枕

夢回人悄悄一聲啼鳥傍斜陽

清明過了柳花飛簾外萋萋草正肥喚起

惜春情緒處空山殘月杜鵑啼

### 嚴陵舟中

萬水千山霽色新臨風一葦捷于神羊裘

灘下休停櫂聞說狂奴解笑人

### 郊行

牧羊童子坐田頭摘草簪花兩兩謳路遶

青山山遶澗殘蟬夕照淡于秋

火雲散盡晚風涼曲澗流空草自長蠶箔

成絲秧貼水數聲布穀爲誰忙



午牕

破午幽禽驚客夢，隔牕疎雨喚離愁。浮雲  
得喪知何益，早悟莊周蝶夢休。

獨行

終日長廊獨自行，幻身未信一絲輕。自家  
心緒忡忡急，枉恨鄰牆搥練聲。

初秋

晚趁涼颼上小樓，忽看梧葉始驚秋。悲懷  
無奈狂風雨，數盡歸鴉懶轉頭。

晚登層樓

已下四首往金陵鎖試作

西風吹我上層樓，千載興亡逝水流。數點  
鴉歸江浦晚，一聲雁過塞垣秋。

天津橋

橋在行宮前，昔人謂山如洛邑水如瀍澗，因以名之。

行闕千重鎖暮烟，山如洛邑水如瀍。黃塵  
障斷中原路，忍立橋頭聽杜鵑。

晚出昇州門

晚驅羸馬出東門，過盡三岡路却平。村店  
夜深人語靜，隔橋風送暗潮聲。

京口

晚風來候過淮舟  
閣上南徐多景樓  
落日寒城伴荒草  
江南人指是瓜州

道間晚景

斷橋流水涵虛碧  
遠岸空山鎖晚青  
勒馬爲看溪畔景  
森森古木暗長汀

題鄭雲谷梅窓

匆匆歲月爲誰忙  
靜倚梅窓到夕陽  
老菊不知秋已去  
晚風時送斷籬香

斷一作短

愛梅來訪小春花  
閣卧雲房避俗譁  
喚醒昏昏塵世夢  
旋移石鼎煮新茶

歲晚雜興

撥盡寒灰恨轉添  
不知片雪點珠簾  
梅花帳冷爐烟歇  
架上黃庭信手拈

時勢危碁局轉低  
丈夫有志竟何爲  
優悠輸與田家樂  
問着朝廷事不知  
雨雪霏霏歲又除  
鯉庭目斷數行書  
銷金帳下羊羔酒  
優學簾人也不如



夏日金陵制幕即事

己下係戊戌以後詩

五更三點造轅門了却文書日欲昏出入  
戴星吾豈憚要須一飯不忘恩

蚤來留得氣清明吏捧軍書課日程秉燭  
撓先書押了閒歌涼枕數殘更

荷花池畔竹涼床一枕閒消夏日長燎過  
水沉天正午旋移小艇採蓮房

幕府人才不在多同寅難得是恭和一堂

賓主春風裡刺有工夫到切磋  
入夏邊烽漸報安不妨拄笏只觀山西風  
易把江濤湧整暇規模肯放閒

### 郡圃觀白蓮

翠蓋亭亭映玉裳臨風綽約暗飄香六郎  
正被繁華困不受濃粧愛淡粧

嬌羞處子臨粧後淡淨佳人出浴時無語  
倚闌如有恨生嫌別岸污胭脂

罨畫嬌春歛恨濃蓮包欲實又成空都緣  
不肯爲雲雨開落非關一夜風

採菱人散夕陽收冷落西溪風露頭飛入  
白鷗花一色暗香來處月如鉤  
泰華根株本一同何分白白與紅紅半池  
只怕霜風倒輸與蒼顏百丈松

秋日金陵制幕書事

幕府秋來事叟多夜深猶自擬諸窠

制閫諸窠

大則曰房小則曰窠蓋倣朝廷之制

平安號火新來急虜騎

連宵已渡河

點盡官軍點到民三千新遣殿兵流移

叟講關防策預結民兵戍列營

流民強壯預爲未然

慮置勇士一軍團結之

哨馬紛紛一水間渡頭分戍要防姦可憐

生計漁舟者官給旗牌禁往還

諸渡遣官戍之以爲

禁姦之防至于漁舟亦自官給黃旗黑牌以考驗

元帥謙謙盡下情麟堂垂晚夏延賓遇風

盡是同舟客肯把秦人視越人

明朝玉帳過江邊騎卒行營一日先出得

公庭天向夜通宵又散起家錢

元帥江行騎卒遣幕



中通夜散起  
家錢于諸營

### 秋閨

西風昨夜到庭梧  
曉看窓前一葉無  
秋月照人眠不得  
等閒拈弄繡工夫

滿目淒涼只自知  
閒將心事寄琴徽  
無情梁上雙雙燕  
帶取秋光一半歸

入秋情思可曾收  
淡鎖朱扉怯捲簾  
書几無人塵不掃  
一鈎蛛網掛牙籤

江南賈客去忘歸  
撲面邊塵自在飛  
想得那邊寒較早  
昨夜來密地剪征衣

零露灑灑夜氣浮  
嫩寒差五更頭鄰雞啼  
破交加夢冷浸梧桐  
月一鈎

### 冬日金陵制幕書事

督制堂堂兩重臣  
駐師移府夾江濱  
資糧

扉屨多多辨更有  
舟車乞與隣

時督制兩  
閩移屯江

岸應援淮城東閩亦自維揚提  
兵會合軍需等物多本司貸之

官軍聞說定廬州  
破虜功成一滴油

一滴  
油一弩

名智勇功名付元凱  
王三錫命到康侯

此詩

爲合肥作虜以重兵二十萬圍城者四十  
餘日制帥杜公于援兵未至前不動聲色  
而破之父子俱  
奏雋功受上賞

城中守將方授死陣面將軍已賣降版築

紛紛成底事耶知靠後是長江此詩爲滁

滁城凡兩月守臣陳廣極力挫之虜已有  
退志會援師築城于江壩未進廣中傷死  
有內變虜遂  
入而城止矣

薄晚官軍得勝歸家家戶插旌旗陣前

紀律明於日師入城來半不知此詩爲往

三五同寮出幕遲公餘終日意怡怡歸來

又被梅花惱撥穴銅彝插數枝

國家圖書館, NATIONAL CENTRAL LIBRARY, TAIWAN, P.O.C



右七言絕句百首同祖少作也少作  
不止是雜體凡數百未敢錄姑錄此  
百篇爲初稿非錄詩也錄其事也詩  
因事而作事因詩而著不然少作何  
敢傳哉同祖自髫髻侍家君宦遊弱  
冠入金陵幕府目所觸意所感寓于  
詩詩不足錄事不可廢此初稿所以  
出也孔子曰小子何莫學夫詩又曰  
非求益者也欲速成者也同祖慕聖



門學詩之訓將以求益而非敢蹈欲  
速之戒遂以學詩名其篇嘉熙庚子  
月正元日金華王同祖書于建安郡  
齋